



Wāhanga 2 - Wiki 9

Pānui - Rāmere 01 o Hōngongoi 2022

*"Ko te Aho Matua te tāhuhu o tōku whare. Ko te reo, me ūna tikanga, ngā heke, whakamau. Ko te whānau, te whanaungatanga ngā pou."*

*Mānawa matea a Matariki  
Mānawa matea te ariki e  
Mānawa matea Te Mātahi o te tau  
Mānawatia a Matariki e*

3.9 Ehara i te mea mo ngā tamariki anake te kura. He mātauranga ano kei te kura mo ngā taipakeke, mo te katoa o te Whānau hoki mehemea ka hiahia whakatu wananga ratou mo ratou.



Inā rā te ataahua o tā tātou kaupapa, Te Rā Kaumātua, i tū ki te kura i te 24 o Pipiri, te rā Matariki tuatahi hoki mō te motu. Kō atu i te 40 ngā kuia, koroua i tae a tinana mai, ā, i te mea he rā hararei a motu, he nui hoki ngā mātua e tae mai ki te tautoko i ngā mahi, me ngā mahi a ngā tamariki.

Hari koa katoa ngā pēpere kou ki te kōrero ki a rātou anō me te ako e pā ana ki te hītori o te punaha mātauranga o Aotearoa me tēnei mea te kura kaupapa Māori me Te Aho Matua anō hoki.

Nā reira, ka nui te mihi ki a Matua Darcy me tana tira hāngi otirā ngā ringa rehe katoa i āwhina ki te whakarite i tētahi hākari rangatira rawa a tu mō a tātou manuhiri rangatira - ngā kuia me ngā koroua.

Mei kore rātou, kua kore ngā tamariki o te wā nei, e mihi ana ki a koutou e kui mā, e koro mā!

Nā matua Rawiri

# Manu Kōrero o te rohe ki Otaki 2022



Tēna tātou e te whānau

I te Rāhina i haere ngātahi ngā tuakana o te kura ki Otaki mō te whakataetae Manu Kōrero ā-rohe, ki reira tū ai mātou ko Meadow, ko Waimarama. I tū ahau mō te Rāwhiti Ihaka, ā, koira ngā Manu Kōrero Te Reo Māori mō ngā teina. I rawe te kite atu i te nuinga o ngā kura o Poneke. I rawe te whakarongo atu ki ngā kai kōrero. I kite i te pakari, te maia o ngā tū.

Mōku ake he mea uaua tēnei te tū i mua i te tokomaha o ngā tāngata. I te kaha āmaimai ahau ēngari nā te kaha tautoko o te whānau i oti, i tutuki ahau i tōku kōrero i runga i te pai. I te mutunga iho i tae tua 3 ahau mo ngā Manu Kōrero Rawhiti Ihaka. He mihi nui tēnei ki te kura, ki ngā whānau ōtira ki ōku hoa.  
Ngā mihi nui. Nā Mihirangi



## Te Kiingi Raiona

Waimarie ana mātou te kura i haere ki te whare pikitia ki te mātakitaki i Kīngi Raiona i roto tonu i te reo rangatira, tō tātou reo Māori. E tika ana kia tae atu mātou ki te whakarongo, ki te mātakitaki, ki te kite hoki i te reo Māori e whakatairanga ana ki runga i ataataa nui.

Kātahi te kiriata hātekēhi ko tēnei. Hīkaka ana te kura katoa i urunga atu, ā, hīkaka tonu i te putanga mai. Me mātakitaki anō pea ktk. I tua atu, he nui ngā kīwhaha, kīanga, whakataukī i puta mai i roto i ngā momo horopaki, me te ataahua o ngā waiata i roto i te reo Māori. I te mutunga iho, ko te reo tūāpapa o tēnei haerenga.

Anei ētahi rerenga kōrero

- “He kī taurangi, āwanga kore e. Inā rā te kī, hei tauawhi...Hakuna Matata!”
- “Toitū te Kīngi!”
- “Ko te toi oranga. Tapu nō te pō. Me he kāpura tuku iho. Tuia ki te ao, tuia ki te rangi. Ki te oranga, te toi oranga.”

Nā matua Te Hauora



# Hākinakina o te wiki

<u>Poitukohu - Tau 7/8</u>	<u>Poitukohu - Tau 5/6</u>
<p>Koinei te wiki whakamutunga mo ngā kapa tau 7-8 ki te takaro poitukohu. Inanahi i takaro te kapa taiohi tuākana i te kapa nō Moe-rā (Brooklyn) mo ngā turanga 3 me te 4 ki te taumata 1 o te whakataetae ki ASB. I whai waahi te kapa nei ki te whakaharatau i ngā pukenga i whakaakohia e matua Darcy i ngā wiki kua pahure, ā, waimarie rātou i toa whakaihuwaka 66-13.</p> <p>I takaro hoki te kapa tuākana Mareikura, ko te kura o Sacred Heart tō rātou hoariri, he kapa tama katoa. I whakapau kaha ngā kōtiro kia tutuki pai tā rātou kemu, ahakoa he kemu uua i toa ta tātou kapa 32-30.</p>	<p>Koinei ngā kemu whiringa whāiti ki ngā taiohi tau 5-6 i te kura nei. Kua eke a Taiohi (1) ki taumata 1, ā, kei te pakanga tonu ki te piki ki ngā whiringa toa 3/4 hei tērā Rāhina. Ka wani kē koutou katoa! Karawhiua!</p> <p>Ko te kapa Taiohi (2) kei taumata 6/7, hei tēnei wā kua tuatahi rātou ki tō rātou reanga heoi me tutuki pai ta rātou kemu hei te pō nei ka eke ki te whiringa toa, ko wai ka hua, ko wai ka tohu! Hei tērā Rātū te whiringa toa.</p> <p><u>4/07: Taumata 1 - 3 vs 4 - vs Lyall Bay Sharpshooters 4pm</u>  <u>4/07: Taumata 6 - 1 vs 2 - vs Mt Cook Cookies 5pm</u></p>
Poitukohu - Tau 3/4	

Me pēhea te tuku kupu whakamiha ki ngā teina kua eke panuku i ngā pukenga poitukohu i tēnei wahanga ahakoa he teina rawa ētahi o rātou ki tēnei taumata.

Hei tēnei wā kei te turanga tuarua a kōpuapua tuākana ki te whakataetae, ā, kua eke kētia e rātou ki te whiringa toa hei tērā wiki, hei te Rātū!

Nau mai haere mai ngā mātua ki te tautoko i a rātou.

Kua pakari hoki te kapa kōpuapua teina ahakoa ko te nuinga he tau 2, he tau 3 rānei e ngakau nui ana te kemu nei ki a rātou katoa. Kei te turanga tuawhā hei tēnei wā, ka kitea hei āpōpō i ngā hua katoa o te kemu nei!

5/07: Taumata 1 - 1vs 2 - vs Berhampore Bears 4pm

5/07: Taumata 4 - 3 vs 4 - vs Kahuranga Kākāpō 5pm



## Matua Darcy

Ka nui ngā mihi ki a matua Darcy kua whai wā ki te whakaharatau i ngā pukenga poitukohu ki ngā akomanga katoa i tēnei wahanga. Ka whakawai i ngā tamariki katoa, i ngā kapa poitukohu katoa ki tō tātou kura ia te wiki. Ehara i te mea ko te whainga matua ko te kapa e takaro ana heoi mō te katoa i te tupono ka tipu ngā manako ki te takaro i ngā hākinakina, a tōna wā!



	<b>Hōtaka Wahanga 2 - 2022</b>				
	Āta pānui tēnei hōtaka ia wiki mehemea kua panoni ētahi o ngā whakaritenga!				
	<b>Rāhina</b>	<b>Rātū</b>	<b>Rāapa</b>	<b>Rāpare</b>	<b>Rāmere</b>
<b>WIKI 10 4/7-8/7</b>		Tau 5/6 Haerenga ki Te Papa		<b>Rā Hapū (RM)</b>  Kākāhū hapū TR - kākāriki TK - kōwhai MM - Kahurangi Rangimānie - whero	Rangi whakamutunga  <u>Kākāhū rerekē</u>
	Ka noho te waka tāpuhi niho ki te kura mo te wiki nei (dental nurse van)				

	<b>Hōtaka Wahanga 3 - 2022</b>				
	Āta pānui tēnei hōtaka ia wiki mehemea kua panoni ētahi o ngā whakaritenga!				
	<b>Rāhina</b>	<b>Rātū</b>	<b>Rāapa</b>	<b>Rāpare</b>	<b>Rāmere</b>
<b>WIKI 1 25/7-29/7</b>	Pure 6am  Pōhiri - 9:30am		Hui-a-whānau 6pm	ASB - Hākinakina 1-3pm	
<b>WIKI 2 1/8-5/8</b>	WCC: Kauhoe - 1-3pm			ASB - Hākinakina 1-3pm	Whakaahua-ā-kura
<b>WIKI 3 8/8-12/08</b>	WCC: Kauhoe - 1-3pm			Karekau he hākinakina ASB	
<b>WIKI 4 15/08-19/08</b>	WCC: Kauhoe - 1-3pm			ASB - Hākinakina 1-3pm	Whakahōnore (TR)
<b>WIKI 5 22/8-26/8</b>	Pōhiri ki ngā tamariki me te kaiako hou 9.30am  WCC: Kauhoe - 1-3pm			ASB - Hākinakina 1-3pm  Hui kaihautū 6pm	
<b>WIKI 6 29/08-02/9</b>	WCC: Kauhoe - 1-3pm	Manu Kōrero - Tau 0-4 (TBC)	Manu kōrero - Tau 5-8 (TBC)  Hui-ā-whānau 6pm	ASB - Hākinakina 1-3pm	Rā hapu (MM - (TBC) Rā kahu tahi (onesie)
<b>WIKI 7 5/9-9/9</b>	WCC: Kauhoe - 1-3pm		EZ whakataetae kauhoe	Karekau he hākinakina ASB	
<b>WIKI 8 12/9-16/9</b>	WCC: Kauhoe - 1-3pm	PSW Futsal Tau 0-4	PSW Futsal Tau 1-6	Karekau he hākinakina ASB  PSW Futsal Tau 5-8	
<b>WIKI 9 19/9-23/9</b>	WCC: Kauhoe - 1-3pm		Haupoi-a-roto ASB - tau 5/6/7	ASB - Hākinakina 1-3pm  Hui kaihautū 6pm	Whakahonore (TK)
<b>WIKI 10 26/7-30/7</b>	WCC: Kauhoe - 1-3pm		Hui-a-whānau 6pm	ASB - Hākinakina 1-3pm	